

11. oktober

UKA2018/191

**Uunga siunnersuut Akissarsiat akileraarutit pillugit Inatsisartut inatsisaata  
allanngortinneqarneranik Inatsisartut inatsisaat nr.xx, ulloq xx.xxx 2018-meersoq**  
(Aningaasaqarnermut Naalakkersuisoq)

Siumut sinnerlungu Naalakkersuisut saqqummiussaannut imaattumik oqaaseqassaangut.

Siullermik akileraartarnerup tamakkiisumik aaqqissuuteqqinneqarnissaa Naalakkersuisut siunertarisaat Siumumiik oqaatigissavarput qilanaareqigatsigu ilusilerisassaattullu naammassineqarsinnaanera qularnaarneqarpat kingusinnerpaamik 2020-mi pisinnaappat tigulluassaqaarput suleqataaffigalungulu.

Ilaatigut nunatsinni akileraartussaataaannit nunamut tamarmut kommune-mut nalogiissaarinermullu sukumiisumik nalilersorneqarnerannik aammalu selskab skat nunatsinni kajungernerusunngortinneqarnissaanut apparneqarlutik inissinneqarnissaannut tunngasut II.il.

Inatsisillu maannakkut atuuttut kinguarsaqqinneqarsinnaanngittumik tunngaveqartumik aaqqissuteqarfiunissaannik Naalakkersuisut aaqqiissutissanik inatsisartunut suliakkiuteqarnerat tigulluaqaarput, Nunatsinni igerlatseqatigiiffiit aammalu suliffeqarfiit ingerlatsinerminni kaaviiartitat tunngavingalugit nunatsinni aningaasat amerlanerpaat qulakkeersimaneqarnissaannik tunngavissatingut sinaakkutinik naammassinnerussammata,

Ilaatigullu Siumumit pingaartilluinnarlungu anguniagarput matumani allanngortinneqalermat nuannaarutingeqaarput. Namminersortutut ingerlatsinermi nalikilliliisarnermut tunngassuteqartut Aalisarnermik Piniarnermillu inuutissarsiateqartunut aammalu takornariaqarnermik angallammillu attartortitsisartunut motorinik pisinerminni nalingata tamarmiusup ukiumoortumik ilanngaatisinnaalernissaanut periarfissiisussanngormat.

Taamaatut aaqqiinarneq inuutissarsiutit patajaattumik igerlaavarnissaannik siuariartortuarnissaannullu tunngavissiissaaq, Taamaattumik Siumumiik inatsisissatut siunnersuummut motorit saniatingut snescooterit atv-llu ilanngunneqarnissaat kissaatigissavarput Motorinut piumasqaataasut inatsimmi assignanik piumasqaateqartumik ilanngunneqarnissaat.

Taamattaaq Kalaallit Nunaanni soraarnerussutisianik katersiviit nunatsinni ingerlatseqatigiiffinnit iluanaarutisianik pissarsiaminnit iluanaarutisianut akileraartarunnaarsinneqarnissaat siumumiit ilasilluarparput. Aalajangersakkakut ilaatigut Kalaallit Nunaanni soraarnerussutisianik katersiviit nunatsinni aningaasaliisarnissaannut kajuminneq annertusarniarlugu Naalakkersuisut sulinertik ingerlatiinnassagaat ilanngullugu kaammattuutigaarput.

Taamannak oqaaseqarluta siunnersuutip aappassaaneerreqannginnermini Aningaasaqarnermut Akileraartarnermullu ataatsimiititaliami suliarineqarnissaa kaammattuutigaarput.

Karl-Kristian Kruse, Siumut